



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

BOSNA I HERCEGOVINA  
FEDERACIJA BOSNE I HERCEGOVINE  
**KANTON SARAJEVO**  
**Skupština Kantona Sarajevo**  
**Reisa Džemaludina Čauševića br. 1**  
**SARAJEVO**

N/r Predsjedavajućeg Skupštine Kantona Sarajevo

Naš znak/Our ref.: 40/10-1222-2/20

Vaš znak/Your ref.: 01-04-41956-5/20

Datum /Date, Sarajevo, 13.11.2020.

**PREDMET:** Zastupničko pitanje Danijele Kristić – Odgovor, dostavlja se

**VEZA:** Vaš akt broj 01-04-41956-5/20 od 03.11.2020. godine

Poštovani,

Svojim aktom navedenim u vezi, koji je zaprimljen na protokol Agencije dana 11.11.2020. godine, dostavili ste nam zastupničko pitanje koje je "Agenciji za vodno područje rijeke Save" Sarajevo (AVP Sava) uputila zastupnica Danijela Kristić na 30. Radnoj sjednici Skupštine Kantona Sarajevo održanoj dana 03.11.2020. godine. Nakon analize predmetne problematike i uvida u raspoloživu dokumentaciju Agencije, dostavljamo slijedeće izjašnjenje:

- U ovom trenutku je za izvoriše Sarajevsko polje na snazi Odluka o zaštiti izvorišta vode za piće u Sarajevskom polju ("Službene novine Grada Sarajeva", broj: 02/87) iz 1987. godine i ista nije usklađena sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12) i u mnogim elementima ne odgovara odredbama navedenog Pravilnika - od administrativno upravnog teritorijalnog ustroja, do promjena stanja na terenu proisteklih iz nepoštivanja/neprovođenja propisanih mjera.
- AVP Sava, na osnovu odredbe člana 156. stav 1. tačka 7. Zakona o vodama ("Službene novine Federacije Bosne i Hercegovine", broj: 70/06) izdaje vodne akte za aktivnosti za koje je utvrđena obaveza pribavljanja vodnih akata, a nadležnost Agencije je definirana odredbom člana 139. stav (1) istog Zakona, kao i članom 17. stav (1) Pravilnika o sadržaju, obliku, uslovima, načinu izdavanja i čuvanja vodnih akata ("Službene novine Federacije Bosne i Hercegovine", broj: 31/15, 55/19 i 41/20).
- U skladu sa odredbama člana 139. stav (1) tačka 3. ovog Zakona u nadležnosti za izdavanje vodnih akata AVP Sava je „ispuštanje tehnoloških otpadnih voda u površinske vode“, što bi moglo da bude u vezi sa Vašim upitom ukoliko pod poslovnim objektima smatrate objekte u kojima nastaju tehnološke otpadne vode prema definiciji datoj u članu 3. stav 1. tačka (cc) Uredbe o uslovima ispuštanja otpadnih voda u okoliš i sisteme javne kanalizacije ("Službene novine Federacije BiH", broj 26/20).
- U skladu sa članom 182. ZOV-a Inspekcijски nadzor nad provedbom ZOV-a i propisa donesenih na temelju ovoga zakona provodi se u skladu sa odredbama ovoga zakona i Zakona o organizaciji tijela uprave u Federaciji Bosne i Hercegovine ("Službene novine Federacije BiH", broj 35/05) koje se odnose na inspekcijски nadzor. Dakle provođenje

uslova koji su definisani vodnim aktom koji je izdat od strane AVP Sava kontroliše Federalna uprava za inspekcijske poslove - Inspektorat vodoprivredne inspekcije.

- U skladu sa članom 110. stav (3) ZOV-a „Vodni akti nisu potrebni za objekte i aktivnosti koji ne podliježu obavezi pribavljanja okolinske dozvole, u smislu odredaba Zakona o zaštiti okoliša ("Službene novine Federacije BiH", broj: 33/03), a koji vodu za obavljanje privredne ili obrtničke djelatnosti osiguravaju priključkom na javni vodovodni sistem i ispuštanje otpadnih voda vrše u javni kanalizacioni sistem, prema odobrenju operatora tih sistema". U tom slučaju uslove za priključenje na javni kanalizacioni sistem propisuje operater kanalizacionog sistema, KJKP „Vodovod i kanalizacija“ Sarajevo.
- AVP Sava nema uvid u sadržaj i uvjete propisane kroz dozvole operatora kanalizacionog sistema, KJKP „Vodovod i kanalizacija“ Sarajevo, koje korisnici kanalizacionih sistema trebaju ispuniti da bi se priključili na kanalizacioni sistem, a pojedina pravna lica koje su se obraćala za dobivanje vodnih akata imala su saglasnost na priključak na kanalizaciju.

S poštovanjem,

 DIREKTOR  
Sejad Delić, dipl. ing.

Dostaviti :

- ⊖ Naslovu,
- Sektor 40,
- Sektor 10,
- a/a.